

ERRIGOITI. Alkateak behin eta barriro kendu eutsien berbea Batasuna eta EAko zinegotziei

Iñaki Madariaga: «Nik neuk bakarrik eroango dot udaletxea, EArik barik»

EAJko zinegotziek ez eben euki gai ordenarik mahai ganean, udalbatzarrean

Onintza Enbeita

Atzo, Busturialdeko Batasuna-ko zinegotzi, alkate eta kideek elkarretaratzea egin eben Errigoitin, alkatearen jarrerea salatzeko, eta bertako Batasunako zinegotziei alkartasuna erakusteko. Ohiko udalbatzarra egoan iluntzeko 20:00etarako deituta.

Tentsinoa hasikeratik igarri zan pleno aretoan. Barruan, Batasuna eta EAJko zinegotziak egozan baztar banatan. Erdian, Iñaki Madariaga alkatea eta idazkaria eukiezala. Jose Ramon Olazar EAko zinegotzia beranduago heldu zan. Entzule, Batasunako hainbat zinegotzi

egozan. Kanpoan, barriz, 3 furgonetakada ertzain.

Gai ordenak hainbat puntu euki ebazan: aurtengo aurrekontuaren likidazioa, datorren urteko aurrekontuaren zirriborroa... Eztabaidak asko izan ziran; batez be, aurrekontuen ganean. Kasurik gehienetan, bai EA eta Batasunako zinegotziek informaziorik eza salatu eben. «Ez dogu aurrekontuan parte hartzeko aukerarik izan», azaldu eban Itziar Amezaga Batasunako zinegotziak. «Ez naz aurrekontuei ezetzik emon zale, herrirako derrigorak dira-eta. Halandabe, hemen azaltzen daren ganean, ez dakigu ezer»,

esan eban Olazarrek. EAJko 3 zinegotziek, barriz, ez eben mutik be esan. Gai ordenik be, ez zan ikusten euren mahai ganean. Alkateak azalpenak emoten ebazanean ez eben, ez holan danik, ez, holan ez danik azaldu. Halandabe, aurrekontua onartu egin zan. «Guk onartzen dogu», esan eban alkateak. Gauza zehatz baten ganeko azalpenak eskatu eutsiezanean, barriz, «momentua heltzen danean jakingo dozue», izan zan alkatearen erantzuna. Udal beharginei puntua jasoteko eztabaidan, «hemen badagoz gauza batzuk neuk dakidazanak, eta plenoak jakin behar ez dauzanak», esan eban alkateak.

Batasunak 3 mozino aurkeztu ebazan. Bata, eskulan klaseak emoteko proposamena zan. «Ekarri hona, zenbat kostauko

MOZINOAK

Politikeagaz zerikusirik bako mozinoak be ez ebazan onartu alkateak, berak aurkeztu ezean

TENTSINOA

Barruan, Busturialdeko Batasunako zinegotziak egozan, eta kanpoan 3 furgonetakada ertzain

dan, zenbat jentek parte hartuko dauen eta behar dan informazioa eta orduan pentsauko dogu», esan eban Madariagak eta mozinoa botetako aukerarik be ez eban emon.

EZIN IKUSIA

Erregu eta itaunen orduan barbarik egin ezinik

Madariagak behin eta barriro kendu eutsien berbea Batasuna eta EAko zinegotziei. Erregu eta itaunen ordua heldu zanean, «itaun birako baimena daukazu bakarrik», esan eutsan Amezagari. Olazarrek ohiko batzarrik ez dala egiten azaldu eban. Dekretuak ez ohikoan eztabaidatukeran, erregu eta itaunetan be, ezin izaten dabe beste zinegotziek euren ganeko eritxia emon. Bera alkatea izan zanean, alderdi guztiei parte hartzeko aukerea emon eutsela azaldu eban Olazarrek. «Nik, neuk bakarrik eroango dot udaletxea, EArik barik», erantzun eban Madariagak ahotsa jasota.



ONINTZA ENBEITA

KONTENTRAZINOA. Busturialdeko Batasunako kideak Errigoitiko udaletxe aurrean batu ziran bertako alkateak zinegotziekaz daukan jarrerea salatzeko. «Agindukerarik ez, morrontzarik ez» leloaren atzean batu ziran 50 lagun inguru, Errigoitiko Batasunako kideei alkartasuna erakusteko.

ITZIAR AMEZAGA Batasunako zinegotzia Errigoitin

«Ez dogu uste EAJren jarrerea danik, bera da holakoxea»

«Udalbatzar guztietan daukagu liskarra», nabarmendu eban Itziar Amezaga Batasunako zinegotziak, Errigoitiko alkatearen jarrerea txarresteko. «Grabagailua ez danean, beste gauza bat da, baina beti dago liskarra. Alkatearen jarrerea ez da demokratikoa. Ezin dogu geure eritxirik be emon udalbatzarretan. Ez dogu uste EAJren jarrera orokorra danik Iñaki Madariagaren jarrerea. Bera da holakoxea», ganeratu eban. Amezagak azaldu ebanez, «lau hile dira azkenengo ohiko udalbatzarre-ra deitu ebanetik. Gaur artekoak ez ohikoak izan dira».

JOSU BARANDIKA Batasunako zinegotzia Gernikako udaletxean

«Udaletxea bere enpresea balitz lez kudeatzen dau»

«Iñaki Madariagak udaletxea bere enpresea balitz lez kudeatzen dau, eta pentsau leiteke gerrea egiteko hartu dauela kargua. Gerra zikina, ganera; ez dakigu bere alde edo alderdiaren alde dabilen. Dakigun bakarra herriaren kontra dabilela da. Informazioa ezkutetan dau, interesetan jakonean atarateko, eta hori oso larria da. Dana dala, ertzainei deitzeko, zeren bildur da Errigoitiko alkatea? Demokraziaren bildur? Orain arte, Errigoitiko herritarrek kontau izan deuskuena baieztatu genduan atzoko udalbatzarrean».

INGURUMENA

Gernikako Ekologia Tailerrak gogor salatu dau itsaskizaleen jarrerea

O. E.

Gernikako Ekologia Taldearen eritxiz, «probokazinoz» jokatu dabe Urdai-baiko itsaskizaleek. Taldeak azaldu dauenez, itsaskizaleek, urtero egiten dabe gauza bera Gabonak hurreratu ahala.

Itsaski zaleek Urdai-bai danena dala esan eben, itsaskia harrepeteko eskubidea daukiela argudiatzeko. «Jakina Urdai-bai danona dana, horrexegaitik babesten dogu bertako gizartearen kontrako ekintzetatik», azaldu dau Ekologia Tailerrak. Taldeko kideentzat ulertu ezina da, Sukarrietako alkateak legez kanpoko ekintza horretan parte hartzea.

Etorkizuna arriskuan

Itsaskizaleen jarrereak itsaskia batu eta saltzetik bizi diranen etorkizuna arriskuan jarten dauela uste dau Ekologia Tailerrak. Urtero sasoi baten itsaskia edonork batu ahal izatea gura dabe. «Horrek, Urdai-bai babes-teko egiten dan behar guztia itxiko leuke bertan behera», Ekologia Tailerraren eritxiz.

Ekologia taldearen eritxiz, «urteak beharko dira, orain arteko kontrolik ezak Urdai-baiko ekosistemeari egin deutzaz kanalkuleteko».

Ekologia Tailerrak beharrezkotzat hartu dau itsaskiaren ganeko araudia mantentzea.

AGENDEA

GERNIKA-LUMO

Antzerkia: Gaur gaueko 20:00etan eta 22:00etan Patxi Bilbao Zalbidearen *Jauja* antzezlan taularatuko dabe Elai Alai aretoan. Sarrerea 1.000 pezeta ordaindu beharko dabe Gazte Txartelak ez daukiene, eta daukiene 750 pezeta. Bermeon oinarritzen da antzezlaneko istorioa, eta barre egitekoa da. Atzoko emonaldia bietan, jente asko batu zan Elai Alai aretoan.

Musikea eta zinea: Bihar iluntzeko 20:30ean, Khuruts Begoñaren lehenengo film laburra eskainiko dabe Elai Alai aretoan. *Otzaradun neska* izena dauka bermeotarraren pelikuleak. Ostean, Cartoon & Friends musika taldearen kontzertua izango da.